



Шочмо эл, порылык да чын верч!

Будь готов /

34-ше (3526) №,  
2021 ий 20 август,  
кугарня.

# Ямде лии 0+

1933 ий 1 февраль годсек лектеш.

## Порылыкыа аӧшмыжӧ - ешыште



Фото-влакым  
слётын архивше  
гыч налме.

**ПОДПИСКЕ**

«Ямде лий» газетлан кажне тылзын 15 числа марте почтышто возалтын кертыда.

Электрон подпискым ышташлан 89027382237 номер дене Сбербанкыш 150 тенгем колтыза але тиде номерышке пыштыза да [yamde\\_lii@mail.ru](mailto:yamde_lii@mail.ru) адресыш лӱмнердам возен колтыза.

**Индекс - П4696.**

Рекламе.

Марий Эл Республикысе «Эрвий» йоча да подростко-влакын ушемышт «Семейное добровольчество: территория возможностей» проектым илышыш шындара. Тӱн шонымашыже – поро пашам еш дене ышташ кумыландаш. Республикысе тыгай коло ешым слёт иквереш чумырен.

– *Участник-влак экологий, тӱвӱра, социальный направленийла дене пашам ышташ тунемыным, йоча-шамычлан польшышым кузе пуымо дене палыме лийыныт. Пушеӱгылам эскереныт, «Ӱяча – мошеник-влак ваштареш» спектакльым ончыктеныт. Слётыш толшо-влак иже районыштышт моло еш-шамычым поро пашам ышташ таратат манын ӱшанем, –* ойла проект вуйлатыше М.М.Маланова.

**Х.АЛЕКСАНДРОВА.**





## Тўшка пашаште – вий

**М**орко район Арын селаште «Золотые купола – 2021» православный паша лагерь мучашлалтын. Тўрлө кундем гыч толшо 90 утла йоча (**снимкыште**) жапым пайдалын эртарен. Ўдыр-рвезе-влаклан поян программим ямдыленит. Ик кечын мастер-классыште гипсеш сўретлаш тунемыныт гын, вес кечын «Зарнице» дене модыныт. Военно-спортивный модыш гоч йоча-влакым тўшка дене пашам ышташ, вьян, лўддымь,

патриотизм шўлышан лияш туныктенит.

МЧС кече йоча-влаклан кужу жап шарнымашеш кодеш. Утарыше-шамыч тулым йортышө машина, ўзгар-влак дене палдаренит.

Паша пукша, йўкта, паша илаш туныкта. Тиде ой лагерьыште каныше йоча-влаклан келшен толеш. Кутко гай пашаче икшыве-влак тельлан пум рўж ямдыленит, 100 мужыр утла выныкым пидыныт, эм шудым погенит.

**Е.ИВАНОВА.**

## Российысе увер

1-11-ше класслаште тунемше, туныктышо-влак, «Знаешь? Научи!» всероссийский научно-популярный видео конкурсышко ушныза. Темлыме темыла гыч келшышым ойырен, видеом войзыза. Тўрыс уверым [nauka.uchi.ru](http://nauka.uchi.ru) сайтыште лудса.

Кажне кумылан ег «Символ охраны лесов России» всероссийский конкурсышко ушнен кертеш. Йодмаш ден пашам [info@aviales.ru](mailto:info@aviales.ru) адрес дене электрон почтыш 1 ноябрь марте колтыман.

10-22 ияш ўдыр-рвезе-влакым «Права человека нашими глазами» всероссийский видеоролик конкурсышко ушнаш ўжыт. Пашам [konkurs30prav.ru](http://konkurs30prav.ru) сайтышке 15 октябрь марте колтыман.

## Марий Элысе увер

Эрла Йошкар-Оласе Национальный тўссымыктыш галерей ден Республикысе изосымыктыш тоштер Почмо омса кечым эртарат. Школышто тунемше-влаклан «Арт-каникулы» усталык студийын презентацийже лиеш.

17 гыч 23 август марте Йошкар-Олаште «Неделя сбора батареек» акций эртаралтеш. Кажне кумылан ег тошто батареийым, тошто сото телефоным, планшетым Логинов урем, 10-шо пöрт адрес дене яра сдатлен кертеш.

16 гыч 27 август марте йоча сату да школ арверын качествыже ден лўдыкшыдымылыкшө шотышто «шокшо линий» пашам ышта. Роспотребнадзорын Марий Эл Республикысе управленийышке 68-19-44, 8-800-707-61-77, 68-19-21 номерла дене йынтыртен, йодышым рашемдаш лиеш.

## Историйым шергалына

23 август – Воинский чап кече.

*Курск кучедалмаш Кокымшо тїжнялбал ден Кугу Ачалланде сар-влаклан тура савыртышым ыштен. Совет элын утларак кумдыкшым поген налаш шонен, 1943 ийыште Германия «Цитадель» операцийым увертарен. Тўшко 2700 танкым, 2050 самолётым, 10 тїжем наре орудий ден миномётым, миллион наре салтакым колтен. Чо совет войска-влак чот шогенит. Кугу кредалмаш 5 июль гыч 23 август марте шўйнен.*

22 август – Россий кугыжаныш тистын кечыже.

## Кум тўсан

Российын флагше молан кум тўсан? Шуко жап шонен коштынам. Ош тўс волгыдылыкым, порылыкым ончыкта. Канде – ўшанлыкым да чапым, йошкарге – лўддымылыкым. Тистын тўрлө вере лойгалт шогымыжым ужамат, чонышто кугешнымаш кумыл шочеш. Могай сылне элыште илена!

**Лиза КИТКАЕВА.**  
Шернур, Кукнур.

## Чапкагазым кучыктенит

14 августышто Шернур районын спортсменже-влак Физкультурникын кечыжым пайремлаш погыненит. Самырык ўдыр-рвезе-шамыч ГТО нормативым сдатленит. Футболла, баскетбола, волейболла модыныт. Эн тале-влаклан чапкагазым кучыктенит. Спорт – тиде вий.

**Полина ШАБДАРОВА.**  
Шернур, Чылдемыр.





## Мультфильмым «күктат»



Фотом рүдерын архивше гыч налме.



тыше А.В.Бирюкова тидын дене палдара:  
– Эн ончыч сценарийым возена, сүрөттөм

качестван лийшаш. Түһалтыште телефонымат кучылтын кертыда.

Йоча-влак персонажым пластилин гыч ненчат (снимкыште), сүрөтлат. Курчак геройыш савырнен кертеш. Компьютер графике: полиграфий дизайн да 3D – дене пайдаланат.

«Мульти-варка» студийыште «Мыйын икымше мультфильмем» усталык конкурсым шукерте огыл иктешленит.

Йоча-влак, те кажне кечын гаяк мультфильмым ончеда. Персонаж-влак дене пырля куанеда, ойгыреда, түрлө нелылык гыч пырля лектыда, юзо тўняшке логалыда, порылык да осал нерген шонкаледа. А мультфильмын чоңалтмыже, войзалтмыже нерген паледа? Уке? Йошкар-Олаште верланыше Республикысе йоча да самырык-влаклан технике усталык рүдерыште «Мульти-варка» йоча анимаций студийым вуйла-

ямдылена (раскадровка), персонаж-влакым шонена, нунным түрлө материал гыч чоңена але сүрөтлена, декорацийым ыштена. Тидым войзена, фото ден видео-влакым эрыктена, сорастана. Тушко йўкым пыштена. Паша монтаж дене мучашлалтеш. Тыге мультфильмым күктен луктына. Тудо сай

Тўняште икымше мультфильм – «Цирк лилипутов». Тудым 1898 ийыште войзеныт. Пу гыч ыштыме курчак-влакым кучылтыныт.

Йоча-влак курчак дене мультфильмым ямдыленыт. Сеңышыш Лиза Дегтярева лектын. Тудо «Кот и щука» мультфильмым войзен.

Ўдыр-рвезе-влак, тенданат кумылда лекте? Тугеже пашалан пижса. Мультфильмым кузе сниматлыме нерген Интернетыште видео-влакым ончен кертыда.

**Х.АЛЕКСАНДРОВА.**

Йоратыме мультфильм але йоратыме персонаж нерген редакцийышке серышым возен колтыза.

Марий Элыште «Не Иван,

## У кино

или Как приручить Богатыря» фильмым войзеныт. Фильмыште подростко-влакын проблемышт, йоча да ача-ава кокласе кыл, икымше йоратымаш, шочмо калыкын тўвыраже дене кылдалтше йодыш-влакым тарватеныт.

Йошкар-Оласе Бауман, М.В.Ломоносов лўмеш лицейлаште, 2-шо ден 7-ше номеран да моло школлаште тунемше-влак, М.Шкетан лўмеш Марий национальный драме театрын артистше-шамыч камер ончылно мастарлыкыштым ончыктеныт. Онарын рольжым Россий да голливуд актёр Олег Тактаров модын, Йываным – Йошкар-Оласе М.В.Ломоносов лўмеш лицейын 7-ше классшым тунем пытарыше Дима Иванов (снимкыште).



Фотом еш архив гыч налме.

Режиссёр – Шернур кундемын эргыже Денис Шаблий.

– Киношто икымше гана войзалтынам. Мый камер ончылно икем кучаш, эмоциемым ончыкташ тунемynam. Сценысе кучедалмаш эн чот келшен. Икымше родем артист корным ойыраш кумыллым утыр ылыжтен, – ойла рвезе.

**Х.ГЕННАДЬЕВА.**

27 август – Россий кином кечыже.

## Семинар нерген фильм

Мый «Кенеж сылнымутчо-2021» семинарыште лийынам. Тушко түрлө кундем гыч уста еҥ-влак толыныт. Нунын коклаште – актрисе, режиссёр Надежда Степанова ден сценарист Антон Шутов. Надежда ден Антон кинон чоңалтмыже нерген каласкаленыт. Тыште предпродакшн, продакшн, постпродакшн дене палыме лийынам. Йоча-влак, нине шомаклам икымше гана колыда? Тугеже Интернетыште ончалза. Палаш онай! Семинар нерген фильмым войзымашке меат ушненна.

**Дима ВЕДЕНЬКИН. Шернур, Чылдемыр.**





# Краеведений – шанчышке корно



## Шочмо мланде

Акросстих

Шочмо верым,  
шочмо мландым  
Огеш керт монден чонем.  
Чылалан кавам лач кандым  
Мый куан ден полеклем.  
Ой, могай мотор пүртүсшө!  
Муралташ чонем йодеш.  
Ловэнгер ялемын түсшө  
Алят шинчаштем модеш.  
Нойымем мондем ик жаплан  
Да шке ялышкем мием,  
Еш-родемым пагален.  
**Н.ДИЛЬИНА.**  
Волжский, Карай.

## Чон шепка

Ялемын лүмжө – Энер-сола. Тудо ныл уреман. Вершөрна моткоч сөрал. Гүжлен шогышо чодыра саскалан поян. Олыкышто мотор пеледыш-влак кушкыт. Шочмо пүртүс тазалыкым пеггыдемда, чоныш куаным ешара. Санденак, очыни, шочмо верым чон шепка маныт. Тудо эн шерге да эн мотор. Тыште шочмо йылмын ямжым шижына.

**Злата МАКСИМОВА.**

Морко район.

6-шо номеран Морко школышто краеведений-лан кугу тütкышым ойырат. Н.А.Михайлован вуйлатымыж почеш краеведений кружок 2002 ий гыч пашам ышта.

– Эн ондак тунемше-влакын сарыште кредалше да вуйыштым пыштыше родо-тукмыштан нерген уверым кычалынна. Вара землякна-влакын илыш корныштым шымлаш тўналынна, – ойла Надежда Александровна. – *Ўдыр-рвезе-шамыч дене архивышке, книгагудышко, тоштерышке коштына. Газет ден журнал-шамычым, документым шергалына (снимкыште).*

Йоча-влак шымлымаш пашашт дене конкурс ден конференциялашке ушнат. 1-ше номеран Морко школын эртарыме «Лаврентьев лудмаш» конференцияшты вийыштым тергат. Кум ий



почела сенгыше радамыште лийыныт. «Шаг в будущее» районысо конкурсышто ўмаштат, теният 1-ше верым налыныт. Йоча да самырык-влаклан «Роза ветров» рўдерын эртарыме «Край родной марийский республикысе краеведений паша конкурсышто ойырте-малтыныт. «Мыйын еш архивем» конкурсышто кажне гана ончылно улыт.

– *Кружокышто йоча-влак шочмо калыкым пагалаш, шочмо кундемым йораташ тунемыт. А краеведений шанче пашашке корным почеш,* – ойла Н.А.Михайлова.

**Х.АЛЕКСАНДРОВА.**

Фотом школын архивше гыч налме.

## Палаш онгай

Яльчик – Марий Элысе эн кугу ер. Кумдыкшо – 1,496 кв.км. Ерын лүмжө «ялчөк» чуваш шомак гыч лектын. Тудо «ял воктенысе ер» манмым ончыкта.

Шалтал – кўзанўштыштө товарым пижыктыме кучем.



Шандий – лывыжгыше.

Шарача – ладыра.

Шарлака – кумда.

Шек – йола.

Шелтем – шелше мучашан тоя.

Шерем – зре коштмо вер.

Шор – лавыра.

Шуланге – умдо.

Шупка – йошкын.

Шўдырмужан – шўдырым шотлышо.

Шўшкўч – ложаш шурымо тоя.

Шыга – скобко.

Шынышыр – игылташ йоратыше, чоян ондалыше.

Шырк – моторын,

сылнын, сөралын.

Микале товаржым шалталыш пижыктыш, кидышкыже шелтемым нале да шерем дене шўргө велке тарваныш. Шочмо кундемже шырккан коеш. Ончылно – шарлака олык. Шарача пушенте-влак корно тўрыштө одарланен кушкыт. Кузе тыгай вершөр дене от кугешне!

**Л.ГРИГОРЬЕВА.**

Сўрет-влакым Интернет гыч налме.



Шуркан





## Пайремын озаже – у кинде



Фотом комплексн архивше гыч налме.

Снимкыште: 6-шо №-ан Морко школын тунемшыже-влак сапондо дене кылтам кырат.

Уржа-сорла тургым. Комбайн-влакын йүкышт тораш шергылтеш. Шурнан пасу эркын пустагеш. Лар пырче дене лынг темеш. Тугеже Угинде пайремым вучыман!

Ожно марий-влак Угинде пайремым октябрь кыдалне пасу пашам пытарымеке эртареныт. Чесым погеныт, пошкудым, родо-тукумым үжыныт. Ты кечын суртоза шыже пучым пуалтен. Тыге тудо шке але пошкудо ялыште илыше-влаклан Угинде пайремым эртарымыж нерген увертарен.

Морко район Унчо селаште тиде йўлам арален коденыт. Угинде пайремым 2 августышто пайремлат. Самырык тукум йўлам ынже мондо манын, «Тошто марий суртпече» тоштер да этнографий

комплексыште түрлө меро-приятыйым эртарат.

– Ожно Угинде пайремым калык чот вучен. Ты кечын у киндым пыштеныт. У саска дене түрлө чесым ямдылымеке, сортам чўктен, Юмым пелештеныт. Тоштыен-влаклан шурным поген налаш полшымыштан тауште-ныт. Кокыаш шурным үден кодаш, поген налаш, шушо пырчым да пакчасаскам сайын коранден шукташ, ончыкылык илышлан йўным ыштен шогаш йодыныт, – ойла комплекс вуйлатыше Л.И.Аксюбина. – Марий калык пайрем радамым эскерен. Икымше кылтам тўредаш куштылго киданлан ўшаненыт. Тыге пырчым писын поген налаш лиеш манын шоненыт. Шурным кид дене ўдымө гыч тўнгалын,




поген налмеш шуко вий кўлын. Сапондо дене кырымеке, коштымеке, тудым вакшыш йўнышташ наҥгаеныт. Тутло пушан киндын кузе «шочмыжым» тоштерыш толшо йоча-влаклан радам дене каласкалена.

**Пошкудо кундемлаште тиде йўла аралалт кодын мо?**

**Г.А.МАЛЬГИН (Татарстан):**

– Мемнан кундемаште Угинде пайремым кызыт огыт эрtare. Ожно Менделеевск район Элнет ялыште ты кечын конгаште киндым пыштеныт. Кўктен лукмеке ыресленыт. Кўын лекше икымше киндын комжым эн ончыч кугыварня дене темдалыныт, кодшыжым вўч-калтенит да ўстембак шовыч дене левед пыштеныт. Киндым шулмо деч ончыч Юмым пелештеныт. Вара иже ўстелтўрыш шинчыныт.



**Моло районышто Угинде пайремым кузе эртареныт?**

**Шернурышто** пайремым кугарнян, кечывал деч вара, пайремлаш тўналыныт. Уна-влакым ўжыныт, озавете пайрем сийым поген. Шўльö шўраш дене шолтымо пучымыш, мелна, шере пура, у мўй, шөр-торык гыч ямдылыме кочкыш лийыныт. Чылан погынымеке, кугурак ийготан еҥ Юмылан пелештен. Йоча-влакат ўстелтўрыш шинчыныт, коча-кован ожнысо йўла шуктымыштым онченит.

Ожно, Угинде йўлам эртарымеш, у кинде гыч ыштыме кочкышым кочкын огытыл, тиде сулыклан шотлалтын.

**Кужэнгер районышто** Угинде пайремым Агун мелна маныныт. Шыжым, кылтам кырен пытарымеке, мелнам кўэштыныт. «Кинде Шочын! Агун сакче, тул деч арален шогышыч, киндым сайын поген налаш полшышыч. Тиде кырымек киндем дене сайын илаш полшо!» – манын, мелна осым налын, агун возакышке Агун сакчылан наҥгаен кералыныт.

Кеч-могай марий пайремыште тўн верым кинде налеш. Тудын шерге улмыжым кажне еҥ пала. Кинде – илыш вий. Тўняште илыше чумыр айдемын поянлыкше.

**Л.Я.БАЙРАМОВА (Пошкырт кундем):**

– Ожно авам, пайремлан киндым кўктен лукмекше, кўпчыкыш шовыч дене левед пыштен. Шурным поген налаш полшышо-шамычлан тауштен. Киндым йўкшымекеже веле пўчкын. Тушко шинчалым шавалтен, поро мутым каласен. Эн ончыч шке пурлын, вара мыланна шулын пуэн. Тиде тат эрелан шарнымашеш кодеш.



**Е.ИВАНОВА.**





## Йоча йолчиём

- ➔ Йоча деч посна йолчиёмым ида нал.
- ➔ Йолчиём шенгел ден йолтаган коклашке парня пурышаш.
- ➔ Тўналтыш класслаште тунемше-влаклан почмо вуян йолчиём келшен огеш тол. Куржталмышт годым парняштым эмгатен кертыт.
- ➔ Лапкарак тагананым ойырыза.
- ➔ Йол ынже пўжалт манын, коваште гыч ургымо йолчиёмым налза.



Ой-кагаш, лаштык



## СанПиН темла

Тўрлө классыште тунемше-влакын школ рюкзакышт (книга, тетрадь да моло арвер дене пырля) могай нелытан лийшаш?

1-2-шо классла	1,5 кг
3-4-ше классла	2 кг утла
5-6-шо классла	2,5 кг утла
7-8-ше классла	3,5 кг утла
9-11-ше классла	4 кг утла

## Ручка могай лийшаш?

Корпус утыждене кўжгө але вичкыж лийшаш огыл.

Парняште вўдотыза ынже нал манын, резине гравировкач ручкам налза.

Шарик ручкам ойыренда гын, шарикше кокла кугытан лийшаш.

Оксам аныклас манын, рўдым вашталташ лийше ручкам ойырыза.

➔ Урок расписанийым шарнен кодын огыда керт гын, войзен, телефон экранышкыда шындыза. Тушко чўчкыдын ончеда да писын шарнеда.

➔ Ешартыш занятий нерген мондаш огыл манын, смартфонсо календарыш возыза. Стикер ден блокнот верым налыт да йомын кертыт. А гугл-календарь тыланда ончылгоч увертара.

## Мастар кид

Карандаш ден ручка-влаклан тыгай атылам ыштен ончыза.



## Тест

1. Раш, тёр возымо усталык – тиде ...  
 А) Литографий. Б) Криптографий. В) Аэрографий. Г) Каллиграфий.
2. «Кадыр» линейке кузе маналтеш?  
 А) Транспортир. Б) Лекало. В) Циркуль. Г) Угольник.
3. Простой карандашын рўдыжым мо гыч ыштыме?  
 А) График. Б) Графин. В) Графит. Г) Граффити.
4. XIII курымышто кызытсе гай карандаш лийын огыл. Сўретче-влак тиде материал гыч вичкыж воштырым кучылтыныт.  
 А) Ший. Б) Вўргене. В) Вурс. Г) Вулно.
5. VII-XIX курымлаште пыстыл дене возеныт. Могай кайыкыным чўчкыдынак кучылтыныт?  
 А) Агытан. Б) Комбо. В) Корак. Г) Лудо.

## Школышто шкем кузе кучыман?




Туныктышо ден йолташет-влак дене салам-лалт. Школ гыч кайыме годым чеверласе.


Урокушто вашештынет гын, ит кычкыре, кидым нўлтал.



Канашлан ынгыр шоктымеке ит вашке. Дневникышке мўнгысў пашам возо. Отметкым шындыкташ ит мондо.



Парт малыме вер огыл. Тушто ит кий, рын шинче.



Перемене годым коридорышто ит куржтал, вес уроклан ямдылалт.

**Оксам кучылташ тунем**



Смартфонетым «бухгалтерыш» савыре. Телефоньшкет шотлаш келшыше програм-мын шынде. Тылзе мучаште иктешлымашым ыште: мом налде серлагаш лиеш ыле.

14 ийым темымеке, пашам муаш вашке.



Оксам погымаш шкешотан квест модыш лийын кер-теш. Мыняр оксам погынет – шонал-те. Мыняр жапым тидлан ойырынет, палемде. Жапым икмыняр йыжынган шел да пашалан пиж.

Шукерте огыл лекше у арве-рым налаш ит тырше.



**20 август – Чебурашкын шочмо кечыже.**



*Чебурашка Генан шочмо кечыштыже тортым кочкеш да ойла:*

*– Гена, чурием крем дене амырген огыл? Иктаж-мо коеш?*

*– Уке, ом уж. Шого, нерет изи-и-иш коеш.*

Сүретым чиялтыза.



2004 ийыште Афиныште эртаралтше кенезымсе Олимпийский модмаште Чебурашка Российын Олимпийский сборныйжын талисманже лийын.

**Тул модыш огыл!**

1-ше номеран Морко йочасад гыч Эделина Шарафеева «Огонь – не забава!» республикысе конкурсын «Декоративно-прикладной усталык» тагасыштыже 2-шо верыш лектын. Тудын пашаже **(снимкыште)** шижтара: ача-ава деч посна шырпым кучылташ, газ плитам чўкташ ок лий! Тул модыш огыл!



**И.АЛЕКСЕЕВА.**  
Морко посёлко.

**Тушто**

*Йошкар ўшкыж чытыра, шемыже каваш вашка.*

*Йылмыже уло – ок опто, пўйжў уке – пуреш.*

*Йўла, ырыкта, коґгаште киндым кўкта.*

**Угыч школыш**

Кайык сылнын муралта, Кече шыратен онча. Изишак каналтена, Шўртнў шыжыш вончена. Угыч школыш каена, «Визытаным» налына.

**Никита ВАСИЛЬЕВ.**  
Морко, Коркатово.



«Ямде лий» йоча газет  
Тўн редактор олмеш  
**Х.Г.АЛЕКСАНДРОВА.**  
Индекс: П4696.  
Тираж 1550 экз. Заказ  
Формат – А-4-8.

[https://vk.com/yamde\\_lii](https://vk.com/yamde_lii)  
<https://ok.ru/yamdelii>  
E-mail: [yamde\\_lii@mari-el.ru](mailto:yamde_lii@mari-el.ru)  
(документ кагазлан),  
[yamde\\_lii@mail.ru](mailto:yamde_lii@mail.ru)  
(автор-влаклан)  
Сайтын адресше: [yamdelii.ru](http://yamdelii.ru)

**УЧРЕДИТЕЛЬ: Марий Эл Республикысе культур, печать да калык-влакын пашашт шотышто министерстве.**

Газетым редакцийыште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийн адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследиым аралымаште законодательствым шуктен шогымым эскерыше Федеральный службын Приволжский федеральный округысо управленийыштыже регистрироватлыме.  
Номер – ПИ №ФС 18-1999,  
2005 ий 10 февральыште пуымо.



Печатьыш пуымо жап –  
14-00,  
фактически – 13-00


Авторын да редакцийын шонымышт тўрлў лийын кертыт. Серыш-влак мўнгош огыт колталт.  
Ак – кутырен келшыме почеш.

Редакцийн да издательын адресше:  
424006, Йошкар-Ола, СССР Вооружённый Вийын 70-ше идалыкше урем, 20-шо пўрт.  
Тел. 8(8362) 45-22-82(факс)



Конкурс

Кенжеҗыл  
чияже



Юля ЯГОДАРОВА.  
Советский, Кельмаксола.



Диана СЕМЕНОВА  
(Татарстан, Агрыз,  
Пелемеш) да София  
ВАСИЛЬЕВА (Одо кундем,  
Карагөл, Ныргындыш).



Максим СТЕПАНОВ.  
Морко, Шап Унчо.

Мераҗизылан  
кешыр йыраҗ  
марте  
корным  
муаш  
пол-  
шыза.




Сүретлен  
пытарыза да  
чиялтыза.




Тушто

Йүр деч  
вара шочам,  
виgak упшым упшалам.



Фигур-влакым шотлыза.

○	△	□	△	□	○	□	△



Математике  
кроссворд

		1	×	3	=				7
		×		×		×			×
2		×	2	=	6	3			
×			×		=	=			=
			6			6	×		= 0
=		=							
4	×		=			×	4	=	8
		×				×		=	
		3	×		=	6	2	×	2
		=			×				×
		×	0	=		×	1	=	5
		=							=
			×	10	=				

Җушеҗге ден вондер-влакын лїжыш-  
тым чын возеда гын, ойырен палемды-  
ме клеткылаште калыкмутым лудыда.

- НОАЛП
- ТАРВАШ
- ЭКУ
- ЎПЧӨН
- СИТЕП
- ВАЙА
- МУОТ
- ТУНШЫПОРП
- ОЖК
- ТЫРПОШ
- КЕПШО

■			■		
		■	■	■	
		■			
			■	■	■
		■			
			■	■	
		■	■		
			■	■	■
			■		
			■	■	
			■	■	

Екатерина ВЕРЕНИЧ.  
Медведево, Руэм.

Интернетесе сүрет-влакым кучылтмо.